

Siunnersuummut nassuiaatit

Nassuiaatit nalinginnaasut

1. Aallaqqaasiut

Inatsisissatut siunnersuut pissutsinut marlunnut tunngassuteqarpoq.

Ilaatigut soraarnerussutisianik akileraarusiisarnermut maleruagassanik, Danmarkimi PFA Pension-imut soraarnerussutisiassat nuunnissaannik PFA Soraaneq-rup pilersaaruteqarnera tunngavigalugu Finanstilsyn-imit piumasaqaatigineqartunik naammassinnittussanik, iluarsiiinissat inatsisissatut siunnersuummi siunnerfigineqarput.

Ilaatigut sulisunit avataaneersunit, Namminersorlutik Oqartussat mittarfiliassaannut atatillugu suliaqartunit, akileraarutit A-t pissarsiassat nunap karsianut tutsinneqartassasut, inatsisissatut siunnersuummi siunnerfigineqarpoq. Taamaalilluni akileraarutinit pissarsiat siunertanut allanut, soorlu mittarfinnik sanaartornermut, atorneqarsinnaalissapput. Tassunga atatillugu siunnersuutigineqarpoq ilanngaasiinnginnermi akileraarusiisarneq atuuttoq, inuit Namminersorlutik Oqartussat mittarfiliassaasa iluanni suliffissaqartinneqartut pineqartunut ilaatilerlugit, annertusitinneqassasoq.

Taamaalillui inatsisissatut siunnersuut ataatsimoortoq Inatsisartut aamma Naalakkersuisut mittarfinnik nutaanik sanaartornissaq pillugu aalajangiinerisa piviusunnngortinneqarnissaanik suliaqarnermi ilaavoq pingaaruteqartoq.

2. Siunnersuummi immikkoortut pingaarnertit

Soraarnerussutisiaqalernissamut aningaasaatit Kalaallit Nunaanni angerlarsimaffeqartut akileraaruserneqartarnerat aamma soraarnerussutisiassanit naafferartumik tunniunneqartartussanit soraarnerussutisiassat nuunneqarnerat

Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisissaattut siunnersuutip (UKA2017/88) akuerineqarnerani soraarnerussutisianut aningaasaateqarfiit Kalaallit Nunaanni angerlarsimaffeqartut Inatsisartut inatsisaat nutaaq taanna malillugu akileraartussanngortussaapput. Taamaattoq soraarnerussutisianut aningaasaateqarfiit aningaasarsianit akileraarutinit inatsimmi maleruagassat malillugit suli akileraartussaataaassapput. Nalornisoqalernissaa pinngitsoortinniarlugu siunnersuutigineqarpoq aningaasarsianit akileraarutinit inatsimmi § 28, imm. 3 erseqqissarneqassasoq, taamaalilluni allassimalissalluni akileraarutit soraarnerussutisianut aningaasaateqarfiit soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat malillugu akiligaat, soraarnerussutisianut aningaasaateqarfiit aningaasarsianit akileraarutinit inatsimmi maleruagassat malillugit aningaasarsianik akileraaruteqaataasussanik naatsorsuinerani, ilanngaatigineqarsinnaasut.

8. november 2017

PFA Soraarnej paasissutissiivoq, aaqqissuussinerit 1:1-imik tunniunneqarnissaat, PFA Soraarnej-mi soraarnerussutisianut annertoqqatigiinnik tunniunneqartartussanut aaqqissuussinernit soraarnerussutisiassat ataasiakkaanit sillimmasiissutigineqartut PFA Pension-imut nuunneqarnissaannik Finanstilsyn-ip akuersinissaanut piumasaqaataasoq. Taamaattumik Inatsisartut inatsisaata allangortinneqarnissaa PFA Pension-imit piumasarineqarpoq, taamaalillutik soraarnerussutisianut annertoqqatigiinnik tunniunneqartartussanut aaqqissuussinernit nuunneqartunit tunniunneqartussat, ataasiakkaanit sillimmasiissutaappata imaluunniit sulisitsisumit sillimmasiissutaappata apeqqutaatinnagu, PFA Pension-imut nuussereernerup kingorna aaqqissuussinernut suli akiliuteqartoqartartussaagaluartoq, akileraaruteqaataasussaajunnaarsinneqassallutik. PFA Pension paasissutissiivoq katillugit aaqqissuussinerit 394-it ataatsimut katillugu 110 mio. koruunit missaannik toqqorsivimmiititaqartut, tassani pineqartut.

Sulisussat avataaneersut akileraartarnikkut sumut attuumassuteqarnerannut tunngasut
Kalaallit Nunaat mittarfimmi annertuunik aningaasaliisussanngorluni inissisimavoq.
Aningaasaliinerit taakkua inuiaqatigiit aningaasaqarnerannut naleqqunnerpaamik pinissaat Naalakkersuisut pingaartippaat.

Naatsorsuutigineqarpoq mittarfiliassanik sanaartornermut atatillugu sanaartornermik suliaqarnermi, pisinnaasat Kalaallit Nunaanni illuliortiternermik sanaartornermillu suliaqartuni maannakkorpiaq pigineqartut, sinnerlugit pisariaqartitsisoqassasoq. Taamaattumik mittarfiliassat sanaartornermut immikkoortuanni nunanit allaneersunik sulisoqarnissaq naatsorsuutigineqarpoq.

Mittarfiliassanut ingerlatsinerimut tunngaviusuni innuttaasunit mittarfinnik pineqartunik taakkuninnga atuisussanit atuinermut akiliuteqarnerit ilaatinneqassapput. Sanaartornermut aningaasalersuinerimullu aningaasartuutit qaffasinneruppata, atuinermut akiliutip qaffasinnerunissaanut tamanna pisooqataassaaq. Qaffasissumik atuinermut akiliuteqarneq ilaasut tunngaviusussat amerlanerulernissaannik pilersaaruteqarnerup piviusunngortinnissaanut aporfiulersinnaavoq, tassani ilaallutik takornariat. Aningaasaatinut akiliuteqarnikkut il. il. nunap karsianit aningaasalersuineq annertuneruppat, aningaasalersuinerimut aningaasartuutit appasinnerunerannik, taamaalillunilu atuinermut akiliutip appasinneruneranik aammalu suliasami aningaasaqarnerup pitsaaneruneranik, tamanna malitseqarsinnaavoq.

Taamaattumik siunnersuutigineqarpoq sulisussat avataaneersut, Namminersorlutik Oqartussat sullillugit mittarfiliassanik sanaartornermik suliaqartussat, ilanngaasiinnginnermi akileraaruteqartinneqarnerannit pissarsiassat nunap karsianut tutsinneqassasut.

Maleruagassat atuuttut malillugit inuit akileraaruteqartinneqarnerannit pissarsiassat nunap karsianut aamma kommuninut agguarneqartarput. Agguaanermi tassani Namminersorlutik

8. november 2017

Oqartussat aamma kommunit akornanni nammagassanik suliassanillu agguaneq ilaatigut takuneqarsinnaasarpoq.

Sulisussat nunanit allaneersut taamatut inissisimasut maani nunatsinniinnerminni pisortanit sullississutit taamaallaat annikitsuinnarmik atortarpaat, soorlu ulluunerani paaqqinniffiit aamma meeqat atuarfiat. Pisortanit sullississutit atorneqassappata, tassani peqqinnissaqarfiup sullissinera, nunap karsianit aningaasalersorneqartoq, pineqarajussaaq. Eqqarsaatigisassaaq tassunga assigusoq ilanngaasiinnginnermi akileraarusiisarnermut aqqissuussinermik aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisissaat nr. 20, 18. november 2010-meersumut ilaatinneqartumik, atuutsitsilernermi tunngavigineqarpoq. Tassunga atatillugu mittarfiit illoqarfinnut sullinneqartussat eqqarsaatigineqartunut atatillugit pilersinneqartussaammata eqqumaffigineqassaaq, taamaaliornikkut pisortanit ikiorsiissutit kommunip atugassiissutigisartagaasa atorneqarnerat, assersuutigalugu sumiiffiit najugaqarfigineqartut avataanni suliniutini angisuuni pisinnaasunut sanilliullugu, mittarfinnik sanaartornermi annertunerussasut naatsorsuutigineqarsinnaalluni.

Sulisussanut avataaneersunut, illoqarfiit nunaqarfiillu pioreersut avataanni sanaartornermik suliaqarnermut atatillugu sulisunut imaluunniit aatsitassarsiornermik suliassanik suliaqarnermi sulisunut aqqissuussinerup atuutereersup naleqqussarneqarnissaa tassani pineqarpoq.

Sulisartunit qaammatit 6-it kingulliit iluanni Kalaallit Nunaanni kommunimut akileraartussaataasimasunit akileraarutinit pissarsiassat siunnersuummi matumani pineqartunut ilaatinneqanngillat, kisianni maannamut pisartutut kommunit aamma nunap karsiata akornanni agguarneqartassallutik. Siunnersuummi aammattaaq mittarfiliassat kommuni sinnerlugu sularineqartut pineqartunut ilaanngillat.

Kommunit ataasiakkaat Namminersorlutik Oqartussat mittarfiliassaannut atatillugu ingerlatassanut malittaasussanut tunngassuteqartunik aningaasaqarnikkut suli iluanaaruteqartartussaapput, taamatullu kommunini innuttaasut siunissami ukiorpassuarni sanaartukkat aammalu appasinnerusumik atuinermut akiliuteqartarnejq imaluunniit ingerlatseqatigiiffimmi aningaasaqarnerup pitsaanerunera, iluaqutigisussaavaat.

Ilanngaasiinnginnermi akileraarutit

Nassuarneqartutut siunnersuutigineqarpoq, sulisartut nunanit allaneersut mittarfiliassanut Namminersorlutik Oqartussat sinnerlugit sanaartorneqartussanut atatillugu suliaqarnermi sulisussat pineqartunut ilaatilerlugit, ilanngaasiinnginnermi akileraarusiisarnermik aqqissuussineq annertusitinneqassasoq.

Allatigut ilanngaasiinnginnermi akileraarusiisarnermik aqqissuussinermut atuuttumut tunngatillugu annertuunik allanngortoqassanngilaq. Aqqissuussinermi ilaatigut sulisunut

8. november 2017

avataaneersunut tunngatillugu akileraarutini allaffissornikkut aqutsinerup pisariinnerulersinneqarnissaa siunertaavoq.

Aaqquussinerup malitsigisaanik isertitat (ilanngaasiinnginnermi isertitat) 35 procentiannik inaarutaasumik akileraarummik akiliisoqartassaaq kiisalu sulisut ataasiakkaat nammineq nalunaarsuinerumik tunniussisassanngillat, aammalu akileraartartut nalinginnaasut taamatut ilanngaatiginnissamut periarfissaqartinneqassanatik.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaanni nr. 11, 15. november 2007-imeersumi, Inatsisartut inatsisaanni nr. 9, 5. december 2008-imeersumi, Inatsisartut inatsisaanni nr. 20, 18. november 2010-imeersumi, Inatsisartut inatsisaanni nr. 37, 9. december 2015-imeersumi, Inatsisartut inatsisaanni nr. 29, 28. november 2016-imeersumi aammalu kingullermik Inatsisartut inatsisaanni nr. 18, 26. juni 2017-imeersumi allanngortinneqartumi, makkua allanngortinneqarput:
§ 28. <i>Imm. 3.</i> Soraarnerussutisiaqartitsinerumi aningaasaateqarfiit § 1, imm. 1, nr. 9-mi taaneqarsimasut aningaasarsiamik akileraaruteqaataasussat naatsorsorneqarnerini ilaasortanut pisussaaffeqarfinnut matussutissatut illuartititik ilanngaatigisinnaavaat.	1. § 28, <i>imm. 3</i> -imi, uniffiup aappaatut nutaatut ikkunneqarpoq: ”Soraarnerussutisiaqartitsinerumi aningaasaateqarfiit, uniffimmi siullermi taaneqartut, aammattaaq soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat naapertorlugu iluanaarutinut akileraarusiinerumut matussutissatut illuartititik ilanngaatigisinnaavaat.”
§ 39 c. Aningaasarsianit akileraarutaasussat naatsorsorneranni ilanngunneqassanngillat naafferartumik akilersuilluni sillimmasertinnermit pisartakkat, soraarnerussutiaqarnissaaq siunertaralugu soraarnerussutisiaqarnissamut ingerlatseqatigiiffimmi	2. § 39 c imatut oqaasertalerneqarpoq: ”§ 39 c. Soraarnerussutisianut aaqquussuussinernit soraarnerussutisiassat, soraarnerussutisianut ingerlatseqatigiiffimmit Kalaallit Nunaanni angerlarsimaffeqartumit, soraarnerussutisianut ingerlatseqatigiiffimmut Kalaallit Nunaanni

<p>pilersinneqarsimasumut, Kalaallit Nunaanni angerlarsimaffeqarani sillimmasiisarfiit pillugit inatsimmi ilaasuni soraarnerussutisiaqarnissamut ingerlatseqatigiiffimmit Kalaallit Nunaanni angerlarsimaffilimmit, soraarnerussutisiaqarnissamut ingerlatseqatigiiffimmut, Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumi aamma Finanstilsyn-imit akuerineqarsimasumut soraarnerussutisiaqarnermut aaqqiissutip imai tunniunneqarnerani, soraarnerussutisiaqarsinnaasup sillimmasiisulluunniit uppersarsinnaappagu, naafferartumik sillimasertinneq pilersinneqarsimasoq. Tamanna taamaallaat atuuppoq naafferartumik akilersuilluni soraarnerussutisiaqarnissamut toqqorsivimmit pisartakkanut, soraarnerussutisiaqarnissamut aaqqissuussinermi imarisat nuunneqarnerannut atatillugu nuunneqarsimasunut, matuma ataani toqqorsivimmit tamatuminnga iluanaarutinit pisartakkat. Soraarnerussutisiaqarnissamut aaqqissuussinermi imarisat nuunneqarnerannut atatillugu toqqorsiviup nuunneqareernerata kingunerisaanik naafferartumik akilersuilluni soraarnerussutisiaqarnissamut toqqorsivimmut akiliuteqartoqarpat, aningaasarsiat akileraarutaasussat naatsorsorneranni ilanngunneqassanngillat, soraarnerussutisiaqarsinnaatitaasup sillimmasiisulluunniit uppersarsinnaappagu pisartakkat akitsuuserneqarsimasut § 46, imm. 5 naapertorlugu. Aningaasarsianit akileraarutaasussat naatsorsorneqarneranni naafferartumik akilersuilluni</p>	<p>angerlarsimaffeqarani sillimmasiisarfiit pillugit inatsimmi pineqartunut ilaasumut aammalu Finanstilsyn-ip akuerisimasaanut, nuunneqarneranni, naafferartumik annertoqqatigiinnik tunniunneqartartussanik sillimmasiissuteqarneq pilersinneqareersimasoq soraarnerussutisianik pisinnaatitaasup imaluunniit sillimmasertittup uppersarsinnaappagu, isertitat akileraaruteqaataasussat naatsorsorneqarneranni, soraarnerussutisiaqalernissaq siunertaralugu naafferartumik annertoqqatigiinnik tunniunneqartartussanik sillimmasiissummit, soraarnerussutisianut ingerlatseqatigiiffimmi Kalaallit Nunaanni angerlarsimaffeqarani, sillimmasiisarfiit pillugit inatsimmi pineqartunut ilaasumi aammalu Finanstilsyn-ip akuerisimasaani, pilersinneqarsimasumit, tunniunneqartut ilaatinneqassanngillat. Tamanna soraarnerussutisiassanut annertoqqatigiinnik tunniunneqartartussanut toqqorsivimmit tunniunneqartunut, soraarnerussutisianut aaqqissuussinernit soraarnerussutisiassat nuunneqarnerannut ilaatillugu nuunneqartunut taamaallaat atuuppoq, ilanngullugit toqqorsiviup taassuma erniaannit tunniussinernit.</p> <p><i>Imm. 2.</i> Akiliutit soraarnerussutisianut aaqqissuussinernit soraarnerussutisiassat nuunneqarnerat qaammatinik 4-inik sioqqullugu isumaqatigiissummi allassimasumit akileraaruteqannginnermi qaffasinnerusumik aningaasartaqanngippata, toqqorsiviup soraarnerussutisianut aaqqissuussinernit soraarnerussutisiassat nuunneqarnerannut ilaatillugu nuunneqareernerata kingorna soraarnerussutisianut annertoqqatigiinnik tunniunneqartartussanut toqqorsivimmut akiliuteqartoqarpat, aamma imm. 1</p>
---	---

<p>sillimmasertinnermit pisartakkat ilanngunneqassanngillat § 39 b aamma § 67 naapertorlugit.</p>	<p>toqqorsiviup ilaanut akiliutinit taakkunanga annertusitinneqartumut atuutissaaq. Ataatsimoorussamik sulisartunut isumaqatigiissuteqarnermi isumaqatigiissutigineqarpat akiliinerit aningaasarsiat procentianik naatsorsorneqartassasut, akiliutit soraarnerussutisianut aaqqissuussinernit soraarnerussutisiassat nuunneqarnerat qaammatinik 4-inik sioqqullugu isumaqatigiissummi allassimasumit aningaasarsianit procentiliussaq qaffasinnerusimangippat, imm. 1 aamma atuutissaaq. Annertoqqatigiinnik tunniunneqartartussanut sillimmasiissuteqarneq pillugu isumaqatigiissut, soraarnerussutisianut aaqqissuussinernit soraarnerussutisiassat nuunneqannginneranni qaammatinik 4-inik kingusinnerusumi pilersinneqarsimappat, akiliinerit akileraaruteqannginnermi qaffasinnerusunik aningaasartaqassanngillat aamma pilersitsinerup nalaani isumaqatigiissummi allassimasunit aningaasarsianit procentiliussaq qaffasinnerussanani. Soraarnerussutisianut aaqqissuussinernit soraarnerussutisiassat nuunneqannginneranni qaammatinik 4-inik kingusinnerusumi ataatsimoortumik sulisartunut isumaqatigiissuteqarnerup malitsigisaanik aningaasartat imaluunniit procentiliussaq allanngortinneqarsimappat, akiliinerit akileraaruteqannginnermi qaffasinnerusumik aningaasartaqassanngillat imaluunniit aningaasarsianit procentiliussaq isumaqatigiissuteqarnermi allassimasunit qaffasinnerussanani. Isertitat akileraaruteqaataasussat naatsorsorneqarneranni annertoqqatigiinnik tunniunneqartartussatut sillimmasiissummit tunniussinerit ilaatinneqarsinnaasimangippata, § 39 b</p>
---	--

	aamma § 67 a taamaaqataanik atuutissapput. ”
<p>§ 68, imm. 2 7) inuk atorfeqartitaanerminut atatillugu ingerlatani sulianik, sanaartornermi sulianik aammalu ikkussuineramik ivertiterineramik illoqarfiit nunaqarfiillu piusut avataanni sanaartornermi suliaqartoq, atorfeqartuusooq qaammatip siuliini kingullerni arfinilinni nunami maani kommunit akileraartussaasimangippat, imaluunniit</p>	<p>3. § 68, imm. 2-imi nr. 7 imatut oqaasertalerneqarpoq: ”7) inuk atorfeqarnerminut ilaatillugu illoqarfiit nunaqarfiillu avataanni imaluunniit Namminersorlutik Oqartussat sinnerlugit mittarfiliornerni sanaartugassanut pilersaarusiornermut suliassanut, illuliortiternermut sanaartornermullu suliassanut kiisalu innaallagialersuineranut ikkussuineramullu suliassanut atatillugu suliassanik suliaqartoq, takuuk § 72 a, imm. 1, aammalu sulisoq taanna nunami maani qaammatini siuliini 6-inik kingullerni kommunit akileraartussaataasimangitsoq, imaluunniit”</p>
<p>§ 72 a, imm. 1, uniffik siulleq Inuit § 68, imm. 2, nr. 7 naapertorlugu akileraartussaataasut atorfeqartitaanerminnut atatillugu ingerlatani sulianik, sanaartornermi sulianik aammalu ikkussuineramik ivertiterineramilu illoqarfiit nunaqarfiillu piusut avataanni sanaartornermi suliaqartut, aammalu qaammatip siuliini arfinilinni kingullerni nunami maani kommunit akileraartussaataasimangitsut, atorfeqartitaanermi aningaasarsiaminnit Nunatta karsianut 35 procentimik inaarutaasumik akileraassapput (tamakkiisumik akileraarut).</p>	<p>4. § 72 a, imm. 1-imi uniffik siulleq imatut oqaasertalerneqassaaq: ”Inuit akileraartussaataasut, illoqarfiit nunaqarfiillu avataanni imaluunniit Namminersorlutik Oqartussat sinnerlugit mittarfiliornerni sanaartugassanut pilersaarusiornermut suliassanut, illuliortiternermut sanaartornermullu suliassanut kiisalu innaallagialersuineranut ikkussuineramullu suliassanut atatillugu suliassanik suliaqartut aammalu nunami maani qaammatini siuliini 6-inik kingullerni kommunit akileraartussaataasimangitsut atorfeqarnerminni isertitamik 35 procentiannik Nunap karsianut inaarutaasumik akileraaruteqassapput (ilanggaasiinnginnermi akileraarut).”</p>

3. Pisortanut aningaasaqarnikkut allaffissornikkullu sunniutaasussat

Soraarnerussutisiassanut naafferartumik annertoqqatigiimmik tunniunneqartartussanut aaqqissuussinerit nuunneqarnerat pillugu maleruagassat allangortinneqarneranni PFA-p nuussinissap, Finanstilsyn-imit akuersissuteqarfigineqarnissaanik piniarnissaa ajornarunnaarsinneqassaaq. Taamaattoqarpat nuussineq Namminersorlutik Oqartussanut

8. november 2017

ataasiartumik akitsuutunik annertoorujussuarnik tunniussititsissasoq naatsorsuutigineqarpoq (200-400 mio. kr.).

2018-imut aningaasanut inatsisissatut siunnersuummi Naalackersuisut inatsisissatut siunnersuummut nassuiaatini nalinginnaasuni immikkoortoq 4.3-ip ataani missiliorpaat, inatsisissatut siunnersuummi matumani aqqissuussineq taamaaqataa 250 mio. koruuninik annertussuseqartunik ataatsimut katillugu aningaasartalinik pissarsiviusinnaassasoq.

Akilerartarnermi sumut attuumassuteqarnermut tunngasut allanngortinneqarneranni aningaasaqarnikkut sunniutaasussat, maannakkut tunngaviusuni naatsorsorneqarsinnaanngillat, tassami naggataatigut pissarsiassanut sunniinernut Naalackersuisut aamma Inatsisartut Kalaallit Airports A/S aqutigalugu mittarfiliassanik sanaartortoqassanersoq aalajangernissaat aammalu taakkununga aningaasartuutissat apeqqutaasussaammata. Suliniutissat tassunga tunngasortaanni nunap karsiata isertitassaannik naatsorsuineq, sanaartornermut suliassat neqeroortitsivigineqarnerat ingerlanneqareerpataammalu suliaqarnissamut atugassarititaasussat pillugit entreprenørinut isumaqatiginninniarnerit erseqqinnerusut ingerlanneqareerpata, aatsaat suliarineqarnissaat pingaaruteqartussaavoq.

4. Inuussutissarsiortunut aningaasaqarnikkut allaffissornikkullu sunniutaasussat

Inatsisissatut siunnersuut inuussutissarsiortunut aningaasaqarnikkut allaffissornikkullu sunniuteqassanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut imaluunniit pinngortitamut sunniuteqassasoq imaluunniit inuit peqqissusaannut sunniuteqassasoq, naatsorsuutigineqanngilaq.

6. Innuttaasunut sunniutaasussat

Inatsisissatut siunnersuut innuttaasunut annertuunik sunniuteqassanngilaq.

7. Sunniutaasussat annertuut allat

Inatsisissatut siunnersuut annertuunik allanik sunniuteqassanngilaq.

8. Oqartussanut kattuffinnullu il.il. tusarniaaneq

Inatsisissatut siunnersuummi nr. 1, SISA naaperiarniarlugu suliarineqarpoq aammalu SISA-p soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisissaattut siunnersuummut tusarniaanermut akissuteqaataa tunngavigalugu suliarineqarluni. Inatsisissatut siunnersuummi nr. 2 PFA Soraarneq naaperiarniarlugu suliarineqarpoq. Siunnersuummi nr. 1 aamma 2 tamatuma saniatigut SISA-mi aamma PFA Soraarneq-mi 2017-imi ulloq 29. septembarimiit ulloq 3. Oktobarimut tusarniaassutigineqarpoq.

8. november 2017

Inatsisissatut siunnersuummi nr. 3 aamma 4 aningaasarsianit akileraarutit pillugit Inatsisartut inatsisaata allanngortinneqarnera pillugu inatsisissatut siunnersuummut (UKA2017/98), UKA2017-imi Inatsisartuni suliarineqartumut, allannguutissatut siunnersuutip ilaatut suliarineqarput. Aningaasaqarnermut Akileraartarnermullu Naalakkersuisoqarfiup allannguutissatut siunnersuut taanna ulloq 11. oktober 2017 atorfilittanut suleqatigiinnut ilaatigut Ilulissani, Nuummi aamma Qaqortumi mittarfinnik sanaartornissamut piareersaasussatut Naalakkersuisunit pilersinneqartunut, tusarniaassutigalugu nassiuppaa. Atorfilittani suleqatigiinni taakkunani ilaapput Naalakkersuisut Siulittaasuata Naalakkersuisoqarfiani Ingerlatseqatigiiffinnut Allattoqarfimmi immikkoortortaqarfimmi pisortaq aamma Kommunit, Nunaqarfinnut, Isorliunerusunut, Attaveqatigiinnermut, Ineqarnermullu Naalakkersuisoqarfimmi, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmi aamma Aningaasaqarnermut Akileraartarnermullu Naalakkersuisoqarfimmi naalakkersuisoqarfimmi pisortaanerit. Inatsisissatut siunnersuummut killissaliussat atorfilittani suleqatigiinni taaneqartuni tamanna sioqqullugu oqallisigineqarput. Tusarniaanermut akissuteqaateqarnissamut piffissamut killiliussamik aalajangersaasoqanngilaq, tassami akissuteqarnissaq piaartumik pissasoq qinnutigineqarmat. Ulloq 12. oktober 2017 tusarniaaffigineqartut tamarmik oqaatigaat inatsisissatut siunnersuummut oqaaseqaatissaqaratik.

Suliniutaasussat inatsisissatut siunnersuummi nr. 3-4-imi pineqartunut ilaasut 2018-imi aningaasanut inatsisissatut siunnersuummi, aningaasanut inatsisissatut siunnersuummut nassuiaatini nalinginnaasuni immikkoortoq 4.3-imi aamma eqqartorneqarput.

Inatsisissatut siunnersuummi aalajangersakkanut ataasiakkaanut nassuiaatit

Nr. 1-imut

Aalajangersakkami isertitanit ingerlatseqatigiiffimmit akileraaruteqaataasussani akileraarutip PAL-ip ilanngaatigineqarnissaanut inatsimmi tunngavissiisoqarpoq.

Nr. 2-imut

Aalajangersakkap malitsigisaanik soraarnerussutisianik annertoqqatigiimmik tunniunneqartartussanik tunniussinerit, soraarnerussutisianut ingerlatseqatigiiffimmit il.il. Kalaallit Nunaanni angerlarsimaffeqartumit, soraarnerussutisianut ingerlatseqatigiiffimmut il.il. Kalaallit Nunaanni angerlarsimaffeqanngitsumut, soraarnerussutisiassanik nuussinermut ilaatillugu § 46, imm. 5-imi aalajangersagaq malillugu akitsuuserneqartussat, isertitani akileraaruteqaataasussani naatsorsuinermi ilaatinneqassanngillat.

Aalajangersagaq toqqorsivimmit soraarnerussutisiassanik nuussinermi pineqartunut ilaasumit kiisalu toqqorsivimmi tassani erniaasimasinnaasunik tunniussinernut atuuppoq.

Aalajangersakkami soraarnerussutisianut annertoqqatigiinnik tunniunneqartartussanut isumaqatigiissutit, soraarnerussutisiassanik nuussinermi pineqartunut ilaanngitsut

8. november 2017

pineqartunut ilaangillat, ilanngullugit assersuutigalugu Kalaallit Nunaanni akileraartartup aammalu danskit soraarnerussutisianut sillimmasiisarfiata akornanni isumaqatigiissutit.

Maleruagassat iluanaarniutigineqarsinnaanerisa pitsaaliorneqarnissaa siunertaralugu siunnersuutigineqarpoq, soraarnerussutisiassanik nuussereernerup kingorna soraarnerussutisiassanut annertoqqatigiinnik tunniunneqartartussanut toqqorsivimmut nuunneqartumut akiliisoqaqqippat, soraarnerussutisianik pisinnaatitaasup isertitaasa akileraaruteqaataasussat naatsorsorneqarneranni aaqqissuussinermi tunniunneqartut ilaatinneqarsinnaassanngippata, akiliutit aallaaviatigut soraarnerussutisianut aaqqissuussinernit soraarnerussutisiassat nuunneqarnissaat qaammatinik 4-inik sioqqullugu isumaqatigiissummi allassimasunit akileraaruteqaannginnermi qaffasinnerusumik aningaasartaqassanngitsut imaluunniit aningaasarsianit procentiliussaq qaffasinnerussanngitsoq. Isumaqatigiissutip malitsigisaanik aningaasanik aalajangersimasunik akiliisoqartussaasimappat, aningaasat akilerneqartut qaffasinnerulersillugit allannortitsinerup malitsigisaanik aaqqissuussinermi tunniunneqartut isertitani akileraaruteqaataasussani ilanngunneqassapput. Procentiliussaq isumaqatigiissutigineqartoq qaffanneqarpata, tamanna aamma atuutissaaq.

Taamaattoq soraarnerussutisiassanut aaqqissuussineq soraarnerussutisiassat nuunneqannginneranni qaammatinit 4-init kingusinerusumi nutaatut pilersinneqarpat aningaasartat imaluunniit procentiliussaq pilersitsinerup nalaani isumaqatigiissutigineqartoq, annerpaaffissaassaaq. Soraarnerussutisiassat nuunneqannginneranni qaammatinit 4-init kingusinnerusumi ataatsimoorussamik sulisartunut isumaqatigiissuteqartoqarpat, aningaasartat qanoq annertutigisut imaluunniit aningaasarsianit procentiliussaq qanoq annertutigisoq aaqqissuussinermut akilerneqartassanersoq aalajangersaaviumik, isumaqatigiissummi aningaasartaliussaq imaluunniit procentiliussaq siunissami akiliutinut annerpaaffissaassaaq.

Soraarnerussutisiassanut annertoqqatigiimmik tunniunneqartartussanut aaqqissuussinerup nuunneqareernerata kingorna akiliutit ilanngaasiisussaataitanermi imaluunniit ilaatitsinngissinnaatitaanermi ilaatinneqassanngillat. Pisuni taakkunani akileraaruteqaannginnermi aningaasartat imaluunniit procentiliussaq, akiliutit nuussinerup nalaani isumaqatigiissutigineqartunit qaffasinnerusumik aningaasartaqarnersut imaluunniit qaffasinnerusumik procentiligaanersut, naliliinissamut tunngavigineqassapput.

Isertitat akileraaruteqaataasussat naatsorsorneqarneranni annertoqqatigiinnik tunniunneqartartussanik sillimmasiissummit tunniussinerit ilaatinnginneqarsinnaassappata, § 39 b-imi aamma § 67 a-imi aalajangersakkat taamaaqataanik atuutissapput.

8. november 2017

Nr. 3-imut

Siunnersuutip malitsigisaanik sulisartunit avataaneersunit, Namminersorlutik Oqartussat sinnerlugit mittarfiliassanik sanaartornermut atatillugu suliaqartunit, akileraarutit A-t nunap karsianut tutsinneqartassapput.

Nr. 4-imut

§ 72 a, imm. 1-imi uniffiup siulliup allanngortinneqarnera. Siunnersuutigineqarpoq ilanngaasiinnginnermi akileraarusiisarnermut aaqqissuussaqq annertusitinneqassasoq, taamaalilluni tassani aamma Namminersorlutik Oqartussat sinnerlugit mittarfiliassanik sanaartornermut atatillugu, inuit atorfeqarnerminnut atatillugu suliaqartuusut, aamma pineqartunut ilaatinneqalissallutik.